

27.10.2020

UKA2020/26

Umiarsuarnik nalunaarsuineq pillugu maleruagassat Kalaallit Nunaannut atuutilerteri pillugit peqqussutip Namminersorlutik Oqartussanit akuerineqarnissaa pillugu Inatsisartut aalajangiiffigisassaattut siunnersuut

(Ineqarnermut Attaveqqaqatigiinnermullu Naalakkersuisoq)

Umiarsuarnik nalunaarsuineq, maleruagassallu Kalaallit Nunaannut atuutsilersinniarni pillugit peqqussutip akuerineqarnissaat, Inatsisartut aalajangiiffigisassaattut siunnersuummut Naalakkersuisut siunnersuutaannut Siumumiit qutsavigaagut imaatunillu oqaaseqarfigissavagut.

Naalakkersuisut alajangiiffigisassatut siunnersuutaanni pineqartumi imarsiornermi aqutsiveqarfimmuut tunngassuteqartut ilaat, soorunami Siumumiit suliassat pingaarutillit ilaattut isigalugu sularineqarnissaa ilalernartipparput, taamaatorli isumatusaarnernunnginnersoq Imarsiornermut aqutsiveqarfiup suliassaqarfiit tamaasa Nunatsinnit tamakkiisumik nammineq akisussaaffigineqalernissaat sulissutigineqartariaqartoq Siumumiit kissaatsigigatsigu.

Tassami ima allassimasoqarmat “issuaaneq”

Kalaallit Nunaanni Namminersorneq pillugu Inatsit

Kapitali 2 Namminersorlutik Oqartussat suliassaqarfinnik tiguserat

§ 2. Kalaallit Nunaanni Namminersorlutik Oqartussat aalajangersinnaavaat suliassaqarfiit inatsimmut ilanngussamiittut Namminersorlutik Oqartussat tigussagaat.

Imm. 2. Suliassaqarfiit arlallit Inatsimmut ilanngussami litrap imaluunniit normu ataatsip ataaniippata suliassaqarfiit taakku piffissami ataatsimi Kalaallit Nunaanni Namminersorlutik Oqartussanit tiguneqassapput, takuulli imm. 3

Imm. 3. Kalaallit Nunaanni Namminersorlutik Oqartussat aalajangersinnaavaat suliassaqarfiit ilaat Inatsimmut ilanngussami nalunaarsukkami 1, litra b-miittut aamma nalunaarsukkami 2, nr. 15, 25 aamma 27-miittut Namminersorlutik Oqartussat tigussagaat.

§ 3.

Imm. 2. Suliassaqarfiit ilanngussami nalunaarsukkami 2-miittut Kalaallit Nunaanni Namminersorlutik Oqartussanit piffissani Namminersorlutik Oqartussat Naalagaaffimmi Oqartussanik isumaqatiginniuteqareernerisigut aalajangersarneqartuni Namminersorlutik Oqartussanit tiguneqartassapput.

“Issuaaneq”

Tassa Nalunaarsukkami 2-mi, normu 20) Imarsiornerup isumannaatsuunissaa, aamma normu 21) Umiarsuarnik nalunaarsuineq Inatsisillu immakkut angalasunut atuuttut, taakkununga akisussaaffiup tamakkiisumik tiguneqarnissaat sulissutigineqassasoq Siumumiit kissaatigaarput.

Naalagaaffeqatigiit iluanni Savalimmiormiut akisussaaffik Imarsiornermi aqutsivik tamakkiisumik tigusalereerpaat namminnerlu ingerlallugu, aammalu ukioq 2015-mi aningaasanut missingiutiminni 13.350 tusind-tinik ingerlatsineq tamaat naleqassangatissimavaat, kisianni 4.340

tusind-tit ingerlatsinermi isertsissangallugit, taamaalilluni ingerlatinermi aningaasartuutit isertut ilanngaatigereerlugit ingerlatsinermi aningaasartuutit 8.372 tusind-tiussangatsissimallugit.

Taava uvagut qajavissuit kinguaavisa tamakku akisussaaffiit soq nammineq ingerlanniingilagut Siumumiillu isumaqarpugut tassa piffissanngortoq tassannga akisussaaffimmik tigusinissarput.

Akisussaaffimmillu tassannga tigusinissami makkua Nalimmassaaffigineqartariaqarput.

- a) Imarsiornermi Aqutsiveqarfissap allaffissornikkut qaffasissumik pitsaasuseqarnissaa Nunarsuarmioqatitsinnut nalimmattumik soorlu IMO-kutut ittunut.
- b) Kalaallit Nunaanniit IMO-mut nammineq peqataatitaqarnissaata qulakkeerinniffiginissaa, soorlu assersuutigalu Savalimmiormiut ukioq 2002-miilli namminneq peqataatsitaqalersimasut.
- c) Allaffissornerup pilersinnissaa namminersortinnissaalu pingaaruteqarpoq Naalakkersuisup attuumassuteqarfigisaata ataani inissisimanissaa, aammalu aningaasatsigut qulakkeerunneqarnissaa pingaaruteqarpoq.
- d) Imarsiornermi Aqutsiveqarfiup ataani pilersitsineq aamma iluarsartuussineq malitassanik pingaarnersiuineq ingerlatsiviusaaq, Qallunaallu teknikkikkut malitassiaasat Nunatsinnut naleqqussarnissaat.
- e) Inatsisit nalunaarutillu nalunaarsorneqarlutillu naleqqussarneqarnissaat ingerlajuartariaqarpoq ullunut nutaanut naleqquttunngorlugit.
- f) Atuutsilersinneqartariaqartullu pisariaqartut Nunarsuarmioqatigiit isumaqatigiissutaat soorlu IMO aamma ILO siunnerfigisariaqarput suliarineqarlutillu.
- g) ILO-mi isumaqatigiissutip iluani MLC atuutilertinneqartariaqarpoq (umiartortut pisinnaatitaaffinik aammalu umiartortut umiarsuaatillillu pisussaaffiinik) – taamaattumik “Umiartortunut inatsit” aamma pilersittariaqarpoq.
- h) Inatsisit angallatit isumannaatsuunissaanut tunngasut nalunaarutit kajallaasitallu.
- i) Inatsisit Inuttanut tunngasut nalunaarutillu attuumassutillit.
- j) Inatsisit Angallatit uutortarnissaannut tunngasut.
- k) Inatsisit Angallatit nalunaarsornissaannut tunngasut (BEK. nr. 41 af 22. Januar 1999 aamma BEK nr. 119 af 15. marts til søloven) il.il.
- l) Imarsiortunut Inatsit.

IMO tassaavoq kattuffik immikkuullarissoq Naalagaaffiit peqatigiiffiat, FN, Tuluit Nunaanni qullersarqarfartoq, Kattuffiup siunertaa naalisarlugu tassaavoq “Safer Shipping and Cleaner Ocean”, IMO pilersinneqarsimavoq 1948-mi ukiullu kingulliit 35-vit ingerlanerani isumaqatigiissutit 40-rut missaani pilersissimavaat, 700-jullu sinneqartut aaliangiiffigisimallugit tassa ukioq (2001)-mi

Taamatut oqaaseqarluta Siumumiit ataatsimiitaliamut susassaqartumut suliassanngortipparput.

Qujanaq

Henrik Fleischer, Siumut